

陽春縣志卷之九

宦績 寓賢附

范史有言一夫得情千室鳴絃賢令長顧弗重哉
陽春於陳為郡馮信都以太守名矣於唐宋為州
若馮若姜若薛以司馬刺史著矣明以來縣令善
蹟往往弗絕斯其膺百里之寄以子惠元元摘姦
伏抑豪右修廢舉墜勸學興教罔非分內事而民
輒謳思之且尸祝之政之八人如其弗諼也若
夫鳩民之不知履一邑則曰民刁俗敝難與圖治
噫中牟之雉可馴蒲亭之梟可化天下焉有不可
治之民哉故綴集前聞下及丞簿表其績於篇而
寓賢附焉語曰前事不忘後事之師也官斯土者
尚其鑑諸春其永有豸乎

陳

馮僕 子盎

唐

馮智戴

陳謹

姜晦

宋

薛利和

明

黃景明

趙清

梁潛

吳子育

江有源

李通

李福海

龔墳

黃寬

陳相

吳銓

程鑒

楊瑄

胡兆隆

黃憲清

傅慶貽

雷啟御

錢兆元

王魁春

陳軾

國朝

單九翔

張含瑾

劉士課

康善述

李敬修

霍雋韓

陽春縣志

卷之九

宦績

二

陳銓

蘇泓

王博厚

李瑞麟

岑理

陳

馮僕高州良德人陳永定二年僕年九歲以母洗

氏功拜陽春太守後洗氏復誅歐陽紇僕加封信

都侯子盎字明達隋仁壽間以平寇功累封金紫

光祿大夫拜漠陽太守從煬帝伐遼東遷左武衛

大將軍隋亡奔還嶺表署酋領有衆五萬番禺新

興名賊高法澄洗寶徹等戕殺官吏盎率兵破之

寶徹兄子智臣復聚兵拒戰盎進討兵始合輒釋

胄大呼曰若等識我耶賊衆委戈袒而拜徒衆遂潰擒寶徹智臣等遂有番禺蒼梧珠厓地自號總管或請上南越王號盎曰吾居越五世人生富貴如我希矣常恐忝先業敢自王哉唐武德五年始以地降高祖析爲高羅春白崖儋林振八州授盎上柱國封越國公子智戴最知名

唐

馮智戴以父功拜春州刺史勇而有謀能撫衆得士死力尚帥皆樂屬之貞觀初或告盎叛盎因遣智戴入侍後復入朝帝榮賜加等授衛尉少卿帝

陽春縣志

卷之九

宦績

三

聞其善兵指雲問曰下有賊今可擊乎對曰雲狀如樹方辰在金金利木柔擊之勝帝奇其對累遷左武衛將軍卒贈洪州都督

陳讜字昌言福州侯官人登三史科後求便養親爲本部長史歷春韶二州刺史所至有善政仁孝謙恭居官餘祿悉與宗族親友共之鄉邦稱其高誼

姜晦秦州上邽人以世家子起家參軍縣令有威惠聲開元初爲吏部侍郎主選曹吏爲奸晦除之革舊示簡廷議以爲非旣而贓賂路塞流品有敘

衆乃服後兄皎被放欽州晦亦貶春州司馬常遇
旱禱於射木山輒雨因立神祠洞獠出掠晦常提
兵陟岡禦之賊遁去遂名將軍嶺云後徙海州刺
史卒

宋

薛利和河東人皇祐中知春州秉心耿介涖政清
勤新南樓修城門葺府庫建廟屋作勸農亭立招
商院得爲政之體焉

明

黃景明洪武初知陽春縣廉潔自持寬恕待下與

陽春縣志

卷之九

宦績

四

民約信民咸悅服

趙清洪武末任陽春知縣爲政急於先務增修城
池立敵樓時猺寇擾民奏調官軍鎮守民賴以安
梁潛字用之江西廬陵人洪武丙子鄉薦初知四
會調陽春所至興利除害政簡刑清公餘輒就學
舍與諸生考古証今士林悅服陽春猺獠環處稍
不得所欲輒跳梁不可制潛待之如子而不徇於
法民亦盡誠事之奉令惟謹永樂徵修實錄官至
贊善有泊菴集行世

吳子育樂平人洪武三十二年任陽春縣丞以文

學飾吏事爲知縣梁潛所重時邑未知學子育爲
誘掖激勸士知所向遂有領鄉薦者

江有源新喻人洪武時爲主簿勤於涖政均平差
役深得民心

李通廣西桂林人永樂十二年知陽春持已敦厚
處事公平苛政不施士民樂業

李福海湖廣蒲圻人景泰間知縣撫字有方尤加
意於庠序秩滿保留再任加六品俸遺愛在民至
今不泯

龔墳字伯和江西清江人舉茂才授宗人府經歷

陽春縣志

卷之九

宦績

五

卓有聲烈改陽春知縣存心仁恕樹政寬平取予
不苟時春俗頑梗墳訓以禮義尤宏獎士類境內
翕然向化

黃寬字經裕福建晉江人正德間知陽春公署儒
學次第繕完又於厲壇側築漏澤園爲政以寬爲
本而猛於除暴時猺賊剽掠寬率鄉勇討而殲之
十四年復隨總督御史楊旦及本道分道剿賊斬
其酋蘇萬里馬文廣俘馘甚衆地方以平陞任後
邑復多故士民乞留以通判再任數年而去

陳相蘄州人所百戶輕捷勇敢正德九年自廣

西調雷州隨軍調守陽春鳳凰寨時陽春山賊猖獗乘夜來攻相督兵拒之兵潰相挺身力戰刃數賊竟爲賊所殺

吳銓字秉衡晉江人以歲貢授陽春教諭循循誨士貧者捐俸給之持已以敬嗜學不倦無情容無僞言無私謁妄取尋以病卒士人思之祀名宦

程鑒字本虛合肥人博涉經史智畧過人嘉靖間爲廣東都指揮僉事尋充左叅將守肇高雷廉四郡時西山猺賊黎廣等攻刼府帑事聞總兵仇鸞奪俸鑒帥師馳赴駐陽春遣間招賊誘而破之後

陽春縣志

卷之九

宦績

六

討陵崖黎岐斬首三千餘級功寇諸將晉副總兵鑒爲將與廣右沈希儀齊名而文學過之所著有雪崖集

楊瑄福建金門所人由電廉叅將於萬曆五年大征西山賊屢立奇功嚴號令信賞罰愛民禮士甚得衆心凱還時紳士爲詩歌以餞

胡兆隆萬曆六年由本所總旗以大征西山有功封副千戶卽調黃岡所十年五月卒羅定道及守備爲之殮殯得士卒心哭聲震野

黃憲清號雙江晉江舉人萬曆八年任時奉例清

文田畝憲清爲均平賦役如舊額民德之羅定營
兵作亂刦掠旁邑勢猖甚復欲寇陽春憲清集衆
防守未幾賊遁去偵者聞賊首諸魁云是縣主廉
明嚴肅未可輕犯蓋先聲奪人如此庚子題祀名
宦

傅慶貽號有積晉江人丙戌進士萬曆二十年任
加意作人文風丕變如楊鳳鳴胡秉忠馮仕琦皆
其賞識士也爲政公恕廉明催科不 一切株連
概置不問民有貧無以養而父首其不孝者慶貽
廉得其情捐俸給之父子感泣甲午 知高要囊

橐蕭然尋陞南京戶部主事祀名宦

雷啟御號傲弦廣西宣化舉人萬曆二十九年任
時璫稅鼎沸羣情洶洶啟御務簡省以蘇民 語
人曰此時力與角恐焰愈熾百姓益不支寬一分
則民受一分之惠如惜增稅而陰有 漁是又一
璫也懲點棍生事尤嚴 最時里民新其 蓋復
仕畧用之卽藏於庫戒守者曰留 官少省加
派陞任去百姓祠之

錢兆元號洪水浙江仁和舉人萬曆四十四年任
每出堂拜天自矢清操雅度民愛敬之鍊於事

適增遼餉以無字行催科而民不擾劇賊岑阿
監司 檄拿不獲兆元設法密擒之邑以安堵報
最百姓預乞留不得命及去攀轅絡繹建祠以誌
去思云

王魁春號宇皆太倉州人貢生崇正六年任下車
卽詢民瘼急興除如振士風則間雲路嚴守禦則
置器械全良善則釋株連又捐公費以抵補牛餉
設輕監以隔別老囚善政不可枚舉其尤大者鐵
爐開鑄陳四不可而詳禁之去之日邑人築書院
祠焉

陳軾字同文福建侯官人進士崇正十三年任平
易愷悌開誠布公教民禮讓月課士衡文尙奇崛
曰少年文無奇氣難望大成得一才思橫絕者進
取未可量也所賞識多釋屨去移番禺政績卓然
後擢嶺西巡道尤加惠陽春謝仕歸著作甚富

國朝

單九翔號四明浙江人拔貢順治十二年任清儉
愛民時平靖兩藩統大師駐省供應不貲九翔處
之得宜民以弗困後靖藩移鎮派用夫船費以萬
計九翔力爭得少減然繇是憤恚病卒貧無以歸

櫛士庶捐金賻之且爲之誄曰公政寬和公行不苛公形雖沒公德不磨今祀五循祠
張含瑾字荆函陝西潼關衛進士山西蒲州人康熙八年任興利除害發奸摘伏藏精明於愷悌寓撫字於催科里甲一再見卽識其名姓極狡黠莫能欺焉嘗爲建昌司理折獄如神迨裁推官補縣令猾吏奸胥無敢翫法強寇拔良概置不問民安盜息至今誦之

劉士課字漢生新會人歲貢生康熙二十年任導其學得江門之傳與多士深研性理多所

陽春縣志

卷之九

官績

九

性恬淡不屑名利三十三年陞福建建陽丞

康善述字達才山西絳州人拔貢生康熙二十五年知縣事時邑中多盜甫至卽訪擒其黨實諸法一時奸宄斂跡春俗輕生以誣人者爲害最甚善述重懲嚴禁弊俗一變愛民禮士修縣志廢墜俱舉學宮後飛雲聚文樓其所建也在任六載執簡御繁而政事整理擢知河南磁州去有生祠今五循祠祀之

李敬修字寅迪山東博興人山拔貢教習康熙三十一年知縣事宅心寬恕居官嚴介左右隸役相

戒無敢作奸憐才禮士以文章廉隅婉切砥礪撫
字惟勤催科不擾卓有古循良風丁丑歲捐俸作
糜粥賑饑又力勸富家出粟全活萬計在任五年
興利除害政聲大著及去士民流涕與康善述竝
祀

霍雋韡字偉卿南海舉人康熙三十九年任教諭
刊吾師錄授多士曰使知科舉上更有此學一時
諸生多感奮濯磨吾師錄者所輯講道學書也學
務躬行教人以敬義夾持復性知本四十二年以
病假歸卒所著更有鐸言四禮準繩順寧錄諸書

陳銓字次臣興寧拔貢生康熙四十三年任教諭
文廟祭祀凡百供陳躬親省視必精潔豐腆執事嚴
敬倍常待諸生恩義備至訓課諄切著有四書及
詩經擬旨在任五年以憂去年已古稀矣

蘇泐字碧泉河南汲縣人進士康熙五十九年任
敏捷明斷發奸摘伏出人意表蠹役豪右罔敢奸
法先是邑刁民以假命誣人輒被傾產泐灼知其
情重懲反坐弊始息又善治積盜潛以法除之季
春偶旱奸民肆掠立擒巨魁亂卽弭乙巳奉檄丈
田泐照舊額均賦不事紛擾民甚賴之下車時見

學宮面湫隘請闢文明門以導秀氣科名繇是蔚起丙午引疾去民立生祠以祀今併入五循祠王博厚字載臣山東黃縣人雍正二年山舉人知縣事無幕友而摘伏如神尤以移風俗舉廢墜爲己任甫下車革陋規殆盡建窩舖修馬路創堆舖獄房皆捐俸爲之每接士輒咨以所設施有不便以告卽翻然改其虛公納善如此諭民重倫崇樸加意人才教養備至倉邊巷書院田租博厚所置也祀五循祠

李瑞麟江西人丁丑進士英敏廉決治獄有識民

陽春縣志

卷之九

宦績

十一

無遁情每鞠讞父老扶杖環觀獄成衆皆欣服傳爲美談嘗自撰句云留意莫輕硃一點驚心常聽鼓三聲可想見其人也

岑理號粹菴西寧人由庚子孝廉選授陽春司訓課士以誠待人以禮在任十餘年生徒贄修未嘗一掛齒頰諸生有不凜繩尺者必諄諄勸諭之善教感人師儒無忝去之日紳士餞送十餘里

寓賢

宋

胡銓

明

沈思孝

國朝

連城璧

葛祖亮

曹秀先

宋

胡銓字邦衡號澹菴廬陵人建炎二年擢進士第五人後爲樞密院編修官紹興八年金使至以詔諭江南爲名銓上書力排和議乞斬秦檜王倫孫近三人頭竿之藁街檜以銓狂妄凶悖謫監廣州鹽倉踰年改判威武軍十二年諫官羅汝楫劾銓

陽春縣志

卷之九

宦績

十二

飾非橫議詔除名編管新州又移謫吉陽軍取道春州喜山水秀麗士民淳樸留連者久之有簡陽春邑宰及鐵坑山詩二十六年檜死量移衡州乾道初入爲工部侍郎七年以資政殿學士致仕卒謚忠簡

明

沈思孝字純甫平湖人別號繼山隆慶戊辰進士初令番禺陞刑部主事萬曆丁丑大學士張居正父喪奪情時翰林吳中行趙用賢疏論忤旨大學士王錫爵侍讀趙志皋詣相府求救不得中行用

賢皆杖爲民思孝發憤與員外郎艾穆上疏以爲社稷之命脉在綱常而羽翼綱常者在輔相三年之喪上自天子若輔相可托權變強顏就列異時國家大慶賀大祝祭避之不可出之不安居正何以自處徐庶爲母曰方寸亂矣居正獨非人子而方寸不亂耶陛下令其舉賢自代可也令其居憂怨艾易自用之心而變申韓之學服闋起復可也臣聞聖帝體臣之情未嘗奪之臣亦求申其情於君未嘗肯爲所奪奪之一言何以教天下上怒皆杖遣戍穆成潯州思孝戍高州神電衛嘗寓陽春

愛崆峒巖風景流連不忍去有序記及題咏與高明區大相相賡和而崆峒勝概始見所謂景因人著也及居正歿召還拜京兆尹累遷少司馬

國朝

連城璧江西金谿人崇正庚辰進士十六年任靈山縣耿介端方鄰縣巨賊韋兒黃應秀越境流劫繕城池練鄉勇增設汛兵分險防禦民賴以安建社學勤月課士風丕變擢監察御史順治十八年安置陽春與邑人謝凝之江巖叟相唱和康熙元年奉

歸里士類榮之

葛祖亮號聞橋江寧人登雍正壬子乾隆丙辰鄉
會榜官祠祭司主事尋以病解組歸爲諸生時卽
遊踪遍天下乾隆丙子二月來陽春年七十四矣
登臨健捷不異少壯途中遇佳山水輒停舟流連
不忍去詩文藻麗中骨力清挺不墮六朝金粉習
氣與人交久而愈可敬慕

曹秀先號地山江西新建人由乾隆丙辰翰林擢
浙江道監察御史轉刑科給事中家藏書甚富詩
文膾炙人口書法尤精絕戊寅五月來遊陽春翰

陽春縣志

卷之九

宦績

十四

墨留題爭相寶貴有不得者輒曰猶望地山重至
也後歷官禮部尚書卒謚文恪